


**esta ye**  
**la pinta d'una**  
**feminista** 



## DELLES AFIRMACIONES A CERCA DE LES FEMINISTES O LA FALTA DE CLARIDÁ D'IDEES

“Les feministes tán sexualmente insatisfeches”: pues nin más nin menos que'l restu, oi, que dalgunes apañámonos divinamente y nun nos metemos nestos follones solo porque nun podemos “pescar un home de verdá”.

“Les feministes son unes Comi-homes”: ¿En qué quedamos?

“Les feministes son fees”: si y tol cuerpu de la Guardia Civil tien bigote... ensin comentarios

“Toes les llesbianes son feministes y toes les feministes son llesbianes”: Pues mire usté nin si, nin non, nin tolo contrario. Una cosa ye la orientación sexual y otra mui diferente ye la orientación de pensamientu, nun vamos a mezclar Churres con Merines.

“Les feministes tienen bigote”: ¿Cómo la Guardia Civil?

“¿Yo feminista? Non, non, femenina”: ser feminista significa reconocese capaz, importante y digna de ser respetada, ser femenina xeneralmente vien de serie cuando tienes ovarios , ye más, xuntes son altamente-recomendables.

“Les feministes invéntense palabres y empéñense en pone-y una “A” a too”: El llinguaxe sexista fai invisibles a les muyeres y les asocia a valores negativos. Si les muyeres ocupen espacios qu'enantes nun ocupaben (y bien que nos costó) tendrán que nomase ¿o vamos a seguir pensando que la doctora ye la esposa del doctor? ¿acasu l'enfermeru ye'l marido de la enfermera? Evolucionamos o morremos... d'aburrimentu.

“Toes les feministes son muyeres”: desgraciadamente la mayoría si, pero por fortuna'l númberu d'homes feministes tán aumentando, con voz de so, y esto ye asina, yos pese a quien-y pese.

“Non al feminismu, que ye lo contrariu del machismu”: El machismu, considera'l varón como midía de toes les cosas y trata a les muyeres como persones débiles y balderes necesitaes de la protecció, direcció y cudiáu que sólo pueden da-y los homes. Los feminismos critiquen la desigualdá social ente muyeres y homes, y proclamen la promoción de los drechos de les muyeres. ¡Contrarios, contrarios! Qué, aprendemos d'una vez, o vamos a seguir repitiendo cursu...

Decididamente a nosotres sigue ensin paecenos un insultu que nos llamen feministes porque...

**¡EXISTEN MILENTA RAZONES P A SOFITAR LOS MOVIMIENTOS DE XUSTA LLIBERACIÓN DE LES MUYERES!**